

**Հասմիկ Ամիրջանյան,**  
**պատմական գիտ. թեկնածու, գիտաշխատող,**  
**ՀՀ ԳԱԱ պատմության ինստիտուտ,**  
**e-mail: amirjanyan.hasmik@rambler.ru**

**ՀՈՎՍԵՓ ԱՐՔԵՊԻՍԿՈՊՈՍ ԱՐԴՈՒԹՅԱՆԻ ԲԱՆԱԿՑՈՒԹՅՈՒՆՆԵՐԸ ՌՈՒՄ ԳՈՐԾԻՉՆԵՐԻ ՀԵՏ ԱՐՑԱԽԻ ԱԶԱՏԱԳՐՈՒԹՅԱՆ ՎԵՐԱԲԵՐՅԱԼ (XVIII Դ. ՎԵՐՋ)**

Նշանավոր քաղաքական ու հոգևոր գործիչ Հովսեփ Արղությանը, օգտագործելով ռուսական կառավարության հետ իր կապերը, ռուս ռազմական ու քաղաքական գործիչների շրջանակներում բարձրացնում էր Արցախի մեղիքությունների ազատագրական պայքարի հարցերը: Ռուս-թուրքական պատերազմի ընթացքում արքեպիսկոպոսը ռուս գործիչների ուշադրությունը նամակներով մշտապես բևեռում էր այդ հարցերի վրա: Նա նամակներ էր հղում նաև Արցախի մեղիքներին, կոչ անում ազատագրվել պարսկական լծի, երաշխավորելով այդ հարցում Ռուսաստանի օգնությունը:

Բանալի բառեր-արքեպիսկոպոս, թեմական առաջնորդ, ռուս հրամանատարություն, Արցախ, քաղաքական հարաբերություններ, կաթողիկոս, Գ. Պոտյոմկին, մեղիքներ, հայկական թեմ, նամակ, հոգևոր գործիչ, ցարական կառավարություն:

**Асмик Амирджанян,**  
**кандидат исторических наук,**  
**научный сотрудник института истории НАН АР**  
**e-mail: amirjanyan.hasmik@rambler.ru**

**ПЕРЕГОВОРЫ МЕЖДУ АРХИЕПИСКОПОМ ИОСИФ АРГУТЯН И РУССКИХ ДЕЯТЕЛЯХ ОБ ОСВОБОЖДЕНИЯ АРЦАХА (КОНЕЦ XVIII В.)**

Видный государственный и религиозный деятель архиепископ Иосиф Аргутян, используя свои связи в русских правительственных кругах, всячески поднимал вопрос освобождения Арцаха из-под чужеземного ига в кругах русского военного руководства. За годы русско-турецкой войны, архиепископ отправил множество писем руководству русского военного ведомства, пытаясь привлечь их внимание к этому вопросу. Он писал письма также арцахским меликам, побуждая их освободиться из-под персидского ига, советовал восстать и обещал помощь русских в этом деле.

Ключевые слова - архиепископ, епархиальный предводитель, русское командование, Арцах, политические отношения, католикос, Г. Потемкин, мелики, армянская епархия, письмо, религиозный деятель, царское правительство.

**Hasmik Amirjanyan,**  
**Doctor of History, scientific researcher Institute of History,**  
**National Academy of Sciences of Republic of Armenia,**  
**e-mail: amirjanyan.hasmik@rambler.ru**

**THE AGREEMENTS BETWEEN ARCHBISHOP HOVSEP ARGHUTYAN AND THE RUSSIAN FIGURES FOR THE LIBERATION OF ARTSAKH (THE END OF THE 18<sup>th</sup> CENTURY)**

The prominent political and religious figure Archbishop Hovsep Arghutyan raised the question of the nationale liberation struggle for Artsakh in the circle russian military authorities. During the Russian-Turkish Wars, The Archbishop send a lot of letters to Russian military figures, trying meid there attention in this question. He had written letters alsou to meliqs ov Artsakh, motivating them to emancipate from the Persian yoke, advised them to oppose and promised Russian help in that cause.

Key words-Archbishop, leader of eparchy, Russian generals, Artsakh, political relationships, Catholicos, G. Potyomkin, meliqs, Armenian eparchy, letters, religos figure, The Charist govermente.

XVIII դ. սկսած, կապված Ռուսական կայսրության արտաքին քաղաքականության ուղղությունների ու ընթացքի հետ, հայ ազգային-ազատագրական շարժման մեջ նոր երանգներ են ստանում կայսրության օժանդակությամբ հայ ժողովրդին օտարի լծից ազատագրելու հարցերը: Դարավերջի ազգային-ազատագրական շարժման նշանավոր գործիչներից մեկը՝ ռուսահայ հոգևոր թեմի առաջնորդ, արքեպիսկոպոս Հովսեփ Արղությանը, ակտիվ քաղաքական գործունեություն ծավալեց՝ ռուս ռազմական-քաղաքական գործիչների ուշադրությունը բևեռելու այդ հարցի վրա: Դրա վկայությունն են 1780-ական թթ. սկսած ռուս քաղաքական գործիչների հետ վարած նրա բանակցությունները, որոնց ընթացքում արքեպիսկոպոսն անպայմանորեն անդրադառնում էր Արցախին, որը դարձել էր հայ ազգային-ազատագրական շարժման կենտրոններից մեկը: Արղությանի հարցադրումների

առանցքն այն էր, որ հայերը պատրաստ են իրենց ազատության համար պայքարել՝ ռուսական կառավարությունից ակնկալելով գոնե սկզբնական փուլում ռազմական օգնություն, հավաստիացնելով, որ ռուսական զորքը տեղում պարենի և փոխադրամիջոցների պակաս չի զգա:

Ցարական կառավարության՝ դեպի Անտրկովկաս արշավանք ձեռնարկելու և դիրքերն այնտեղ ամրապնդելու ծրագրի շրջանակներում 1780 թ. հունվարից Պետերբուրգում խորհրդակցություններ են ընթանում արքունիքում բարձր դիրք զբաղեցնող Ն. Լազարյանի, Ն. Արդուլյանի և ռուս քաղաքական-ռազմական գործիչներ գեներալ Ի. Գորիչի, նշանավոր գորավար Ա. Սուվորովի, Հարավային Ռուսաստանի կառավարիչ Գ. Պոտյոմկինի միջև<sup>1</sup>: Հունվարի 13-ի հերթական տեսակցությունն ամբողջովին նվիրված էր Արցախի մելիքություններին. հայ գործիչները մանրամասն տեղեկություններ են տալիս հինգ մելիքությունների քաղաքական, ռազմական ու տնտեսական իրավիճակի վերաբերյալ: Ռուսների նպատակն էր պարզել իրենց առաջխաղացման ու տեղի քրիստոնյաների ռազմական ու տնտեսական կարողություններն օգտագործելու հնարավորությունները:

1782 թ. դեկտեմբերի 21-ին Հյուսիսային Կովկասի բանակի գլխավոր հրամանատար գեներալ Պ. Պոտյոմկինը (Գ. Պոտյոմկինի ազգականը) Արդուլյանին գրած տասներեք կետից բաղկացած իր հայտնի նամակում<sup>2</sup> հարցում է անում նաև Արցախի մելիքների և նրանց ժողովրդի վերաբերյալ, նաև թե՛ ինչ<sup>3</sup> միջոցներով կարելի է ապահովել մելիքների հավատարմությունը:

Դեկտեմբերի 28-ի իր գրավոր պատասխանում, ինչպես նաև 1783 թ. հունվարի 28-ին գեներալի խնդրանքով գրած <<Պատմական նկարագրություն Ղարաբաղի մելիքների մասին>> վերնագիրը կրող հայտնի գրության մեջ Արդուլյանը հավաստիացնում է, որ մելիքներն ու նրանց հպատակ ժողովուրդը պատրաստ են ռուսական զորքի օգնությամբ տապալել օտար լուծը<sup>3</sup>:

Գեներալի հանձնարարությամբ Արդուլյանը բանակցությունների վերաբերյալ գրություններ է ուղարկում Գանձասարի կաթողիկոս Հովհաննես Հասան-Ջալալյանին ու մելիքներին<sup>4</sup>, որոնք Գանձասարի վանքում ժողով են գումարում և որոշում գրությամբ իշխան Գ. Պոտյոմկինին և Եկատերինա II կայսրուհուն (1762-1796) խնդրել շտապեցնել խոստացած արշավանքը<sup>5</sup>: Բոլոր դիմումներն ուղարկվում էին Հովսեփ արքեպիսկոպոս Արդուլյանի միջոցով, որպես <<իրենց գործերի գլխավոր հոգևոր միջնորդի>><sup>6</sup>:

1783 թ. մարտ-հուլիս ամիսներին գրած նամակներում Հովհաննես կաթողիկոսն ու մելիքներն Արդուլյանին հավաստիացնում են, որ ռուսական զորքն իրենց երկրում ոչ մի դժվարություն չի կրի և պարենի պակաս չի զգա: Մելիք-Աբովը գրում է, որ իր երկիրը լի է բարիքներով, և <<Որքան զօրքն շատ լինի, անհոգ ենք վասն խորտկաց եթե ընթելեաց>><sup>7</sup>: Ի պատասխան օգոստոսի 11-ին արքեպիսկոպոսը նամակներով կաթողիկոսին, մելիքներ Աբովին, Մեծլումին, Բախտամին ու Մելիք-Շահնազարին, հավաստացնում է, որ ռուսական արշավանքը շուտով կսկսվի: Վերջինիս կոչ է անում ինքնակամ ընդունել ռուսական հպատակություն: Մելիք-Շահնազարին նամակով դիմելու քայլն ուներ իր ներքին դրդապատճառը, այն է՝ շոշափել մելիքի տրամադրվածությունը ռուսների նկատմամբ, քանի որ նա հակված էր դեպի պարսիկները: 1783 թ. հունվարի Գ. Պոտյոմկինին ուղղած նամակում գեներալ Պ. Պոտյոմկինը ևս նշում է, որ Ռուսաստանին հակառակ է մնացել միայն Մելիք-Շահնազարը<sup>8</sup>:

1783 թ. վերջերին և 1784 թ. ընթացքում Արդուլյանն իր հավատարիմ գործիչների միջոցով լուրեր է ստանում հայ բնակչությունից ու մելիքներից, որոնք խնդրում էին արագացնել խոստացած օգնությունը, քանի որ Բրախիմ-խանը, իմանալով Ռուսաստանի հետ իրենց հարաբերությունների մասին, ավելի էր սաստկացրել ճնշումները<sup>9</sup>: Հովհաննես կաթողիկոսը նամակով Պ. Պոտյոմկինին հավաստում է, որ ինչպես պայմանավորվել են Հովսեփի հետ, ռուսական զորքի գալու դեպքում կտրամադրեն անվճար հաց, գարի, անասնակեր, ոչինչ չեն խնայի<sup>10</sup>:

Արդուլյանին մնում էր նամակներով Պ. Պոտյոմկինին փոխանցել, որ Արցախում ամեն ինչ պատրաստ է ռուսական զորքն ընդունելու համար: 1784 թ. մարտի 16-ին և 20-ին Աստրախանից Պ. Պոտյոմկինին խնդրում է. <<...եթե ողորմութիւն կամիցիս առնել մելիքացն և ողորմելի ժողովրդին նոցա, հաճեսցիս գրել Հերակլ արքային, օգնութիւն հաւանիլ նոցա, վասն զի եթե արքայն Հերակլէս ըստ հաճութեան ձերոյ՝ հրաման ունիցի ի կայսերական մեծութենէն վասն տիրապետելոյ Ղարաբաղու և մելիքացն, յոյժ դիւրին է նմա այժմ...>>: Խնդրում է

<sup>1</sup> Տես Յիշատակարան, կազմ.՝ Վ. Ջարդարեան, հ. Ա, Պոլիս, 1910, էջ 52, Աղանեանց Գ, Դիւան հայոց պատմութեան, գ. Թ, Թիֆլիս, 1911, էջ 17-18, 23-24-25, Армяно-русские отношения в XVIII веке (այսուհետև՝ Армяно-русское отношения...), сборник документов под ред. М.Г. Нерсисяна, т. IV, Ереван, 1990, док. 90, с. 152-153, док. 125, с. 203-207, док. 133, с. 219, Иоаннисян А., Россия и армянское освободительное движение в 80-ых годах XVIII столетия, Ереван, 1990, с. 38-41 և այլն:

<sup>2</sup> Նամակի ամբողջական տեքստը տես՝ Армяно-русские отношения..., док. 177, с. 196.

<sup>3</sup> Տես Պարզև ավարդապետ Գևորգյան, Հովսեփ արքեպիսկոպոս Արդուլյանի երկու նամակ-զեկուցագրերը որպես հայ ժողովրդի պատմության սկզբնաղբյուրներ, <<Էջմիածին>>, 1962, է, էջ 36-39, Армяно-русские отношения..., док. 131, с. 210-214.

<sup>4</sup> Արցախի նշանավոր մելիքներ Դիզակի Մելիք-Սասյան, Ջրաբերդի Մելիք-Հաթամը, Մելիք Հովսեփը վախճանվել էին, նրանց գործի շարունակողներն էին դարձել որդիները՝ Մելիք-Բախտամը, Մելիք-Մեջլումը, և Մելիք-Աբովը:

<sup>5</sup> <<Արարատ>>, 1886, թիւ 7, էջ 169:

<sup>6</sup> Собрание актовъ, относящихся к обозрению истории армянского народа (այսուհետև՝ Собрание актовъ ...), ч. I, Москва, 1838, с. 59-60.

<sup>7</sup> Армяно-русские отношения..., док. 140, с. 230, док. 141, с. 231, док. 144, с. 236.

<sup>8</sup> Մաղալյան Ա., Արցախի մելիքությունները և մելիքական տները XVIII-XIX դդ., 2007, Երևան, էջ 177-182:

<sup>9</sup> Հայոց պատմություն, 2010, Երևան, հ. 3, էջ 160:

<sup>10</sup> Армяно-русское отношения..., док. 200, с. 305.

<<...չպակասեցուցանել զգույթ ձեր ի տարաբախտ ազգէ մերմէ...>><sup>1</sup>: Հայաստանի բախտը շողկապելով հարևան պետության ազատագրության ու անվտանգության հետ՝ արքեպիսկոպոսը գոհունակություն էր հայտնում ռուս-վրացական բարիդրացիական հարաբերությունների համար, կարծելով, որ այդ հարաբերությունները հող կնախապատրաստեն, որ Հայաստանը ևս հասնի Ռուսաստանի հովանավորությանը:

Բայց Անդրկովկասում քաղաքական նորահայտ հանգամանքները փոխեցին ռուսական արտաքին քաղաքականության ուղղությունը: 1784 թ. Պարսկաստանում գահ բարձրացավ Ալի Մուրադ խանը, որը պատրաստակամություն հայտնեց Ռուսաստանին զիջել մերձկասպյան տարածքները և Ղարադաղի, Ղարաբաղի, Նախիջևանի և Երևանի խանությունները, պայմանով, որ Ռուսաստանն իրեն ճանաչի պարսկական շահ և ռազմական օգնություն ցույց տա ընդդեմ Օսմանյան կայսրության: Ռուսական կառավարությունը օգտվելով ստեղծված բարենպաստ հնարավորությունից, որոշեց խաղաղ ճանապարհով լուծել Անդրկովկասի հիմնահարցը և բանակցություններ սկսեց պարսկական կողմի հետ:

Նման պայմաններում նախատեսված արշավանքը դարձյալ հետաձգվեց, ինչն Արդուրյանին տագնապի մեջ գցեց՝ ստիպելով այլևս չգարգացնել ընդարձակ ծրագրեր: Լսելով, որ Շուշիի Իբրահիմ խանը ևս ռուսական հպատակություն ընդունելու մտադրություն ունի, հոգևոր հայրը ռուսներից սուկ խնդրում էր, որ այդ դեպքում Արցախի մեկիքները <<...լինիցին ինքնազուլխ և միայն կախեալ ի հրամանս նորին արքայական մեծութեան Հերակլայ>><sup>2</sup>:

1784-1786 թթ. ընթացքում Աստրախանից և Նոր Նախիջևանից գրած նամակներում ակնհայտ զգացվում է Արդուրյանի կասկածները՝ արդյո՞ք ռուսական զորքը կհասնի Հայաստան: Դրանցում Գանձասարի կաթողիկոսին մեղադրում է, որ չցանկացավ նոր խնդրանքներով դիմել ռուսներին, գանգատվում է Պ. Պոտյոմկինից, որը նրան խաբեց, Էջմիածնի կաթողիկոսի դիրքորոշումը ևս նրա սրտովը չէր և այլն<sup>3</sup>: Հնդկահայ գործիչ Շ. Շահամիրյանին գրում է. <<...դեռ մինչև ցայսօր ոչինչ կարգադրութիւն ոչ է եղեալ, թեպէտ խօսակցութիւն՝ բազում>><sup>4</sup>, - սույն քաղվածքը ևս ակնհայտ է դարձնում Արդուրյանի կասկածները ռուսական օգնության վերաբերյալ:

Այդ հուսահատությունը բխում էր նաև այն մեծ պատասխանատվությունից, որ նա վերցրել էր իր վրա՝ հայ գործիչներին ու ժողովրդին հավաստիացնելով, որ ռուսների օգնությամբ շուտով կգա բաղձալի ազատությունը. <<Հայերը այս ներութեանց մեջ չըյուսահատուեցին, որովհետև Յովսէփ արքեպիսկոպոսը իշխան Գրիգորի Պօտեմկինի խոստումներով յուսադրուած՝ յուսադրում էր տառապող հայերին՝ թէ, նոքա շուտով ազատուելով մահմեդականների բռնութիւնից և Վրաստանի հետ միասին Ռուսաստանի խնամակալութեան տակ ազատութիւն կը վայելեն>><sup>5</sup>:

1785 թ. փետրվարի 5-ին Աստրախանից Գանձասարի Հովհաննես կաթողիկոսին և մեկիքներին խնդրում է նամակներով նորից դիմել Պ. Պոտյոմկինին ու Հ. Լազարյանին<sup>6</sup>: Ինքը շարունակում էր ռուսներին ներկայացնել Անդրկովկասի քաղաքական կացությունը: Այսպես՝ օրինակ 1785 թ. փետրվարի 25-ին, ապրիլի 18-ին, հուլիսի 15-ին Պ. Պոտյոմկինին տեղեկություններ է տալիս Շուշու, Նախիջևանի, Դերբենդի և այլ վայրերի խաների գործողությունների վերաբերյալ՝ հիշեցնելով, որ մեկիքներն առաջվա պես պատրաստ են բանակը Գանձակ հասնելուն պես միավորվել ռուսներին. <<...սպասել ուրախաբար գալստեանդ>><sup>7</sup>, - գրում է արքեպիսկոպոսը:

Շուտով սկսվեց ռուս-թուրքական երկրորդ պատերազմը (1787-1791), և Վրաստանում տեղակայված ռուսական զորակազմը հրամանատար Ս. Բուրնաշովի գլխավորությամբ ետ կանչվեց Անդրկովկասից: Մոլորված արքեպիսկոպոսը 1788 թ. հուլիսի 30-ին Արցախի մեկիքներին գրում է. <<...Չկարծեմ ի յայսմ միջոցի օգնութիւն ինչ լինի ձեզ աստի, եթէ կարեք այլ իմն դուռն գտնել և բաղխել և կամ նորին արքայական մեծութեանն (Հերակլ II-ին-Հ. Ա.) աղաչել օգնել ձեզ...>><sup>8</sup>: Մեկիք-Մեծյումն ու Մեկիք-Աբովը, հուսահատված, որ դրսից այլևս օգնություն կստանան, ռուսական զորքի հետ գնացին Թիֆլիս, ապա՝ Գանձակ: Արդուրյանն այդ մասին տեղեկացնում է հնդկահայերին՝ գրելով. <<Մեր ողորմելի մեկիքքն ի Գեւնջայ և ի Շամքօռեն իւրեանց ստորադրեցելովքն, օգնութեան տեառն սպասեն>><sup>9</sup>: 1788 թ. հունվարի 7-ին և հետո արքեպիսկոպոսը Գ. Պոտյոմկինին ներկայացնում է տարագիր մեկիքների վիճակը, նշում, որ վերջիններս կրկին դիմել են իրեն միջնորդելու ռուսների օգնությանը: Բացի այդ, մեկիքները Արդուրյանի միջոցով խնդրագրեր էին հղել գեներալներ Բ. Գորիչին և Պ. Տեբելլին (Մոզդոկում տեղակայված ռուսական զորքերի հրամանատար): Փետրվարի 1-ին արքեպիսկոպոսը մեկիքներին տեղեկացնում է, որ խնդրագրերն ուղարկել է հասցեատերերին: <<Գորիչն առ քնեազն է մեծաւ փառաւորամբ և սպասեմք նորին յաջող գալստեանն>>, - գրում է հոգևոր հայրը՝ հուսադրելով նրանց Գորիչի գալստյամբ, որին անձամբ նամակ էր գրել: Ապա մեկիքներին խորհուրդ է տալիս ևս մեկ անգամ նամակ գրել վրաց արքային, քանի որ լսել էր, որ վերջինս նպատակադրվել է արշավել Շուշիի խանի դեմ. <<...թերևս մեկիքն մեր հաստատեցեց ի տեղս իւրեանց>><sup>10</sup>, - հույսը չէր կորցնում Արդուրյանը:

<sup>1</sup> Նույն տեղում, Կ. 190, Կ. 295, Կ. 191, Կ. 296.

<sup>2</sup> Иоаннисян А., նշվ. աշխ., էջ 128:

<sup>3</sup> Տես՝ Մետրոպ Մաշտոցի անվան Մատենադարան (այսուհետև՝ Մատենադարան), ձեռ. 2699, թ. 50, 101-102, Արмяно-русское отношения..., Կ. 214, Կ. 324, Иоаннисян А., նշվ. աշխ., էջ 128:

<sup>4</sup> Արмяно-русское отношения..., Կ. 225, Կ. 336.

<sup>5</sup> <<Արարատ>>, 1886, թիւ Դ, էջ 173-174:

<sup>6</sup> Տես Մատենադարան, ձեռ. 2699, թ. 19:

<sup>7</sup> Արмяно-русское отношения..., Կ. 220, Կ. 332, Կ. 221, Կ. 331-332, Կ. 224, Կ. 334.

<sup>8</sup> Մատենադարան, ձեռ. 2699, թ. 173:

<sup>9</sup> <<Ազդարար>>, N 1, 1974, էջ 22:

<sup>10</sup> Նույն տեղում, թթ. 155-162, 176:

1790 թ. հունվարի 23-ին Արդությանի կողմից Պ. Պոտյոմկինին ներկայացրած զեկուցագիրն իր բովանդակությամբ թերևս տարբերվում էր մյուսներից. մեկիքների անունից առաջարկվում էր նրանց փոխադրել Կասպից ծովի ափը՝ Դերբենդի շրջակայքը, և տալ մշտական սեփականություն հողեր:

Ճիշտ է, մեկիքների՝ Ռուսաստան գաղթելու միտքն Արդությանի կողմից խրախուսվեց (նա ինքն իր նամակներում բազմիցս շեշտում է, որ մեկիքների ռուսական կողմնորոշմանը շատ է նպաստել, ինչպես օրինակ 1799 թ. հունվարի 20-ին Վ. Կոչուբեյին ուղղած նամակում), սակայն փաստերը ցույց են տալիս, որ այն առաջարկվել էր նախևառաջ ռուս զործիչների կողմից: Մեկիքները դեռևս 1789 թ. սեպտեմբերի 19-ին Արդությանից խնդրում են ստույգ տեղեկություն տալ այն մասին, որ Գ. Պոտյոմկինը գեն. Պ. Տեքելյուն հանձնարարել է միջոցներ ձեռք առնել՝ մեկիքներին վերաբնակեցնելու Ռուսաստանում<sup>1</sup>: Մեկիք-Մեժլումն ու Մեկիք-Աբովը պատրաստակամություն հայտնեցին գնալ Մոզդոկ, անձամբ բանակցություններ վարել, սակայն Հովսեփը խորհուրդ չտվեց. «Ձեր գալն աստ ոչ է բարոք... ո՞ր գիտե որքան են պահելոց և վախճանն որպեսի լինի»<sup>2</sup>: Բացի այդ, իրենք, մեկիքներն են բազմիցս Արդությանից խնդրել անդրադառնալ սույն հարցին: Այլ հարց է, որ հոգևոր առաջնորդը, այլևս չակնկալելով ռուսների ռազմական օգնությունը, մշակեց մեկիքների վերաբնակեցման միջոցառումների շարք՝ նախանշելով առավել ձեռնառու երթուղին:

Արդությանի համար հեշտ չի եղել հանգել նման տարբերակին: Այդ է վկայում հնդկաբնակ Ստեփան Շավոնյանին 1788 թ. օգոստոսի 12-ին Աստրախանից գրած նրա նամակից արված սույն քաղվածքը. «Մեծ իշխանն վասն իրեանց հրաման դրկած է, հրախրեալ յերկիրս այս...ինձ մեծ տարակուսանք է, թե որոցա ինչ էն պատասխանելոց, այնպէս բան չառնէն, որ վերջն փոշմանութիւն լինիցի, որպէս եղև մինչև ցայժմ:...Եթէ իրաւապէս իւրեանք պարտաւորութիւն ունին գալոյ յայս կողմնուս, նախապէս պարտիս ինձ յիմացումն տալ»:<sup>3</sup> Արդությանը գտնում էր, որ դա չափազանց լուրջ որոշում է և անհրաժեշտ է ընդունելու դեպքում ծանր կշռադատել հարցի բոլոր կողմերը: Մասնավորապէս նախապայմաններ մշակել և մեկիքներից նախապէս բանիմաց մարդիկ ուղարկել, որ այդ ամենը ներկայացնեն կառավարությանը, առայժմ գոնե երեք կետով. այն է՝ առաջին՝ հարկավոր է նրանց համար այնպիսի տարածք առանձնացնել, որ իրեն ծանոթ է, օրինակ Դրիմը, քանի որ «ինչ տեղերք գոն անդ, այն բոլորն ինձ է յայտնի, թէ որպիսի պայմանաւ պարտին գալ և նստիլ անդ, ինչ օրինօք կամ որպիսի կացութեամբ և ինչ իշխանութեամբ պարտին լինել»<sup>3</sup>, -իր առաջարկը հիմնավորում է արքեպիսկոպոսը: Երկրորդ անհրաժեշտ է զորք ուղարկել, որ նրանք իրենց ամբողջ ունեցվածքով կարողանան դուրս գալ երկրից, երրորդ նախապէս միջոցներ ձեռք առնել, որպէսզի ժողովուրդը չգա ու այստեղ կարիքի մեջ ընկնի, այլ զբաղվի տնաշինությամբ ու հողագործությամբ:

Նախագիծը կյանքի կոչելու մտայնությամբ Արդությանը շարունակում էր ռուս զործիչների ուշադրության կենտրոնում պահել արցախահայության հարցը: 1792 թ. հունվարին Ա. Բեզբորոդկոյին, 1793 թ. մայիսին անդրկովկասյան զորքերի նոր հրամանատար Պ. Ջուրովին, Սենատի անդամ Վ. Կոչուբեյին և այլոց ներկայացնում է մեկիքների՝ ռուսական հպատակություն ընդունելու ձգտումը, անդրադառնում վերաբնակեցման գաղափարին<sup>4</sup>:

1795 թ. կեսերին, անձամբ մասնակցելով պարսիկ Ադա Մամադ խանի դեմ ուղղված ռուսների պատժիչ արշավանքին, թեմական առաջնորդը, նորից հուսալցվելով, եռանդուն գործունեություն է ծավալում: Ղզարի ռազմական շտաբից գաղտնի նամակներ է գրում Արցախի մեկիքներին՝ ավետելով ռուսական զորքերի գալուստը հորդորելով պատրաստվել թե՛ գենքով, թե՛ պաշարներով ռուսներին օգնելու<sup>5</sup>: Ապրիլի 24-ին Հ. Լազարյանին գրած նամակից տեղեկանում ենք, որ գեն. Վ. Ջուրովի (Պ. Ջուրովի եղբայրը) հետ առանձնագրույց է ունեցել Արցախի վերաբերյալ<sup>6</sup>: 1796 թ. սեպտեմբերի 2-ին Պ. Ջուրովին ներկայացրած զեկուցագրում հավաստում է, որ մեկիքները դեռևս որոշակի ռազմական ուժ են ներկայացնում և պատրաստ են աջակցություն ցույց տալու ռուսներին<sup>7</sup>:

Արդությանը հույս ուներ, որ Արցախը գրավելուց հետո վերջ կդրվեր Իբրահիմի իշխանությանը, քանի որ ռուսական զորքերին տրված հրահանգում խոսվում էր Երևանը Վրաստանին միացնելու և Արցախի մեկիքներին վրաց թագավորից կախման մեջ դնելու մասին, ինչի վերաբերյալ Արդությանը դեռևս արշավանքի սկզբին խոսակցություն էր ունեցել Վ. Ջուրովի հետ<sup>8</sup>:

Մակայն ռուսական զորքն այդպէս էլ Արցախ չհասավ, իսկ այդ ընթացքում Աստրախանում սպասող մեկիքները 1799 թ. գնացին Պետերբուրգ և Արդությանի միջնորդությամբ խնդրագիր ներկայացրին Պավել կայսրին (1796-1801), ինչի հիմքով կայսեր հրամանագրով իրենց հպատակների հետ վերաբնակվեցին վրացահպատակ հայկական տարածքներում:

Լեոն (Առաքել Բաբախանյան) որակեց այդ քայլը որպէս հուսահատությունից թելադրված «քաղաքական ինքնասպանություն»:<sup>9</sup> «Ռուսաստանի խոստումները, լուրջ պատրաստութիւնները առաջացրին մեծ ոգևորութիւններ, որը և մեկիքների վերջնական քայքայման պատճառ դարձավ», - գրում է պատմաբանը, իրավամբ նշելով, որ այդ վայրը (Եկատերինոգրադը-որտեղ ըստ նախնական տարբերակի տեղափոխվելու էին մեկիքները -Հ. Ա.) առաջարկել էր Արդությանը, քանի որ մեկիքներն երբևէ Ռուսաստանում չէին եղել<sup>9</sup>: Ղուկաս կաթողիկոսը Շ.

<sup>1</sup> Собрание актовъ ..., ч. II, Москва, 1838, с. 62.

<sup>2</sup> Մատենադարան, ձեռ. 2699, թ. 159:

<sup>3</sup> Մատենադարան, ձեռ. 2699, թթ. 174-175:

<sup>4</sup> Армяно-русские отношения..., док. 261, с. 392, док. 265, с. 396-398, док. 347, с. 500.

<sup>5</sup> Кавказский вестникъ, N 10, 1901, Тифлисъ, с. 35, Тер-Саркисянц А., Армяне Нагорного Карабаха, Москва, 2015, с. 160.

<sup>6</sup> Մատենադարան, ձեռ. 2951, թ. 90ա:

<sup>7</sup> Լեո, Հայոց պատմություն, Երևան, 1973, հ. 3, էջ 395:

<sup>8</sup> Տե՛ս Кавказская Старина, Тифлисъ, N 2, 1872, с. 33.

<sup>9</sup> Լեո, Յովսէփ կաթողիկոս Արդութեան, Թիֆլիս, 1902, էջ 169, 120:

Շահամիրյանին գրում է. «...ի դարձի զօրացն կամաւ իւրեանց չուեցին ընդ նոսա յերկիրն ռուստաց, որոց զորպիսութիւնն ի Յովսէփ արքեպիսկոպոսէն ունիս իմանալու...»<sup>1</sup>:

Սակայն փաստենք, որ մելիքների դիմում-խնդրագրին համակիր էին նաև Հ. Լազարյանը և հայ մյուս գործիչները<sup>2</sup>, բացի այդ, Արդությանի նախագծի որևէ կետը չիրագործվեց:

Այսպիսով, Հայաստանի ազգային-ազատագրական շարժման իրագործման հարցում Արդությանի համար կարևորագույն առանցք էր Արցախի ազատագրումը պարսիկ խաների լծից: Նրա քաղաքական հիմնվորման առանցքը Արցախի մելիքների՝ իրենց տարածքներում դեռևս բավականին ռազմական ուժ ներկայացնելու իրողությունն էր: Լինելով նուրբ դիվանագետ՝ արքեպիսկոպոսը գիտակցում էր, որ Արցախը ռուսների համար կարող էր դառնալ ռազմական հենակետ, քանի որ «...դա շատ էր հետաքրքիր ռուսներին, ամբողջ Պարսկական Հայաստանի մեջ Ղարաբաղի ժողովուրդը միակ պատերազմող տարրն էր...»<sup>3</sup>: Եթե Երևանի Խանության հայերին արքեպիսկոպոսը նամակներով ոգևորում էր, որ ռուսական զորքը կաջակցի նրանց պայքարին, ապա այլ էր մելիքների հարցում, երբ ռուսական հրամանատարությանը հավաստիացնում էր, որ մելիքները կմիանան ռուսական զորքին և կընդառաջեն արշավանքի հաջողությանը: Այդ են վկայում նրա ծրագրերի այն կետերը, որոնցով առաջարկվում էր զինել Արցախի մելիքներին:

<sup>1</sup>Աղանեանց Գ., նշվ. աշխ., Թիֆլիս, 1893, գիրք Ա-Բ, էջ 33:

<sup>2</sup> Հայոց պատմություն, հ. 3, էջ 166:

<sup>3</sup> Լեւո, Յովսէփ կաթողիկոս Արդուբեան, էջ 108-109: